

IMPORTANTE:

Períodu ba rekerimentu ne'e bele tuir maka **Kombatente Libertasaun Nasional sira (3 too 24 anos tempu inteiru ka inkapasitadu sira) ka família husi Mártir sira ne'ebé naran tama iha Editál 2º Rejistu 2009 ne'ebe taka iha fulan Janeiru 2025 DEIT.**

PRAZU ATU HATAMA REKERIMENTU BA PENSAUN:

Loron Hahu: **1 Abril 2025**
Loron Remata: **30 Junhu 2025**

BAINHIRA PRAZU IDA NE'E LIU ONA LABELLE HUSU FALI PENSAUN SIRA NE'E.

Dokumentu sira hotu ne'ebé tenke hatama hodi hetan aprovasaun ba pensaun hatudu iha brochura ne'e nia laran.


Prosesu rekerimentu hotu no pagamentu pensaun ba kombatente, PPU no familia husi mártir, hotu gratuitu.

(Labele fo sasan ruma ka selu buat ruma atu husu ka simu pensaun. Se karik selu ka fo buat ruma, hahalok ne'e hanesan krime/illegal no ita bo'ot nia responsabilidade.)

Hodi hetan informasaun liu tan, bele la'o ba DNPS iha Comoro (ex - Arte Moris) ka CMCLN munisipiu ida-idak .



Edital 2º Registo 2009 – Janeiro 2025




**Ministério dos Combatentes da
Libertação Nacional**
EDITAL 2º REGISTO 2009

JANEIRU 2025

PROSESU REKERIMENTU

PENSAUN

**BA
FAMÍLIA HUSI MÁRTIR
NO
KOMBATENTE NE'EBE IHA 8 TOO
24 ANOS TEMPU INTEIRU KA
INKAPASITADU SIRA
NO
PRESTASAUN PEKUNIUÁRIA
ÚNIKA 3 TOO 7 ANOS**



EX-KOMBATENTE SIRA:

PENSAUN ESPESIÁL REFORMA:

Valór ba Pensaun Espesiál Reforma, eskalaun 1 hanesan \$575,00 ba Grau1, \$517,50 ba Grau2 no \$460,00 ba Grau3.

Valór ba Pensaun Espesiál Reforma, eskalaun 2 hanesan \$460,00 ba Grau1, \$402,50 ba Grau2 no \$345,00 ba Grau3.

Kritériu mak tempu inteiru/eskluzivu partisipasaun ba luta entre 20-24 anos (eskalaun 1) ka entre 15-19 anos (eskalaun 2).

Pensaun Espesiál Reforma labele simu hamutuk ho Pensaun Sobrevivênsia, no labele sura hamutuk ho tempu ne'ebé fo ba luta hodi hetan pensaun reforma husi Estadu.

PENSAUN ESPESIÁL SUBSISTÊNCIA:

Valór ba Pensaun Espesiál Subsistênsia hanesan \$345,00 ba Grau1, \$310,50 ba Grau2 no \$276,00 ba Grau3.

Kritériu mak inkapacidade ba servisu ne'ebe resulta husi funu nian ka tempu inteiru/eskluzivu partisipasaun ba luta entre 8-14 anos.

Pensaun Espesiál Subsistênsia labele simu hamutuk ho Pensaun Sobrevivênsia, no labele sura hamutuk ho tempu ne'ebé fo ba luta hodi hetan pensaun reforma husi Estadu.

PRESTASAUN PEKUNIÁRIA ÚNIKA - PPU:

Valór ba PPU hanesan valór salário mínimo funsaun públika multiplika ba 12:

$$\text{US\$ } 115,00 \times 12 \text{ fulan} = \text{US\$ } 1.380,00$$

Valór ida ne'e hanesan ba Kombatente hotu-hotu ne'ebe iha 3 too 7 anos tempu inteiro iha luta libertasaun nasional.

Valor ida ne'e hanesan ba Grau1, Grau2 no Grau3.

FAMILIA HUSI MÁRTIR SIRA:

PENSAUN SOBREVIVÊNSIA:

Valór ba Pensaun Sobrevivênsia hanesan \$287,50 ba Grau1, \$258,75 ba Grau2 no \$230,00 ba Grau3.

Karik iha familiar liu ida husi kategoria hanesan ba pensaun Sobrevivênsia husi Mártir ka Kombatente ba Libertasaun Nasional ne'ebé mate tiha ona, pensaun ne'e sei fahe, ho nia valór hanesan, ba sira hotu. (Ezemplu, karik Mártir iha oan tolu, pensaun ne'e sei fahe ba sira na'in tolu).

Em a ida deit bele simu parte oin oin husi Pensaun Sobrevivênsia sira, maibé valor hamutuk labele bo'ot liu valor Pensaun Sobrevivênsia grau 1 (máximu \$287,50).

Família husi Mártir iha direitu deit ba Pensaun Sobrevivênsia bainhira sira la halo kolaborasaun voluntáriu ho inimigu kontra interesse ba libertasaun nasional.

Hahú iha 2010, Pensaun Sobrevivênsia labele simu hamutuk ho Pensaun Espesiál Subsistênsia ka ho Pensaun Espesiál Reforma.

Karik rekerente iha kondisaun ne'ebé nesésáriu atu simu benefísiu finanseiru ne'ebé liu benefísiu finanseiru hakerek iha leten, tenke hili benefísiu ida, bainhira hatama prosesu.

Bainhira benefisiariu sira hotu mate, Pensaun Sobrevivênsia labele passa ba rekerente seluk. Maibe, se karik benefisiariu nudar feen/laen mate no sei iha oan sidauk halo tinan 21 husi mártir ka KLN mate ne'ebe, sira iha direitu atu husu no simu Pensaun Sobrevivênsia to hetan 21 anos.

DOKUMENTU NE'EBÉ TENKE HATAMA

PENSAUN ESPESIÁL REFORMA KA SUBSISTÊNCIA KA PPU:

Ba KLN Moris:

- Formulariu Rekerimentu ba Pensaun ka PPU-Moris;
- Fotokópia Sertidaun Moris (RDTL) ka Batismu rekerente nian;
- Fotokópia Kartaun Eleitorál rekerente nian;
- Fotokópia Bilhete Identidade rekerente nia;
- Fotokópia Rekini Banku rekerente nian;
- Atestadu Médiku Orijinál, hasai husi médiku ne'ebé rejista iha Ministériu Saúde. (Ba deit KLN ho inkapacidade física ka mental atu labele halo servisu - ba KLN inkapacitadu sira deit).

PENSAUN SOBREVIVÊNSIA KA PPU BA KLN MATE ONA:

Ba Mártir nia feen ka la'en (Faluk):

- Formulariu Rekerimentu ba Pensaun ka PPU-Mate;
- Sertidaun Kaben, ka karik sertidaun ne'e la iha ho justifikasaun ne'ebé loos, deklarasaun husi Xefe Suku ne'ebé verifika husi Administradór Minisipiu, ne'ebé hatete katak iha duni relasaun nudar feen ka la'en;
- Fotokópia Kartaun Eleitorál rekerente nian;
- Fotokópia Bilhete Identidade rekerente nia;
- Fotokópia Rekini Banku rekerente nian.

Ba Mártir nia oan:

- Formulariu rekerimentu ba Pensaun Sobrevivênsia;
- Sertidaun moris (RDTL) ka Batizmu orijinál rekerente nian;
- Fotokópia Kartaun Eleitorál rekerente nian;
- Fotokópia Bilhete Identidade rekerente nia;
- Fotokópia Rekini Banku rekerente nian.

Ba Mártir nia Inan ka Aman ka Maun ka Alin ka Bin sira:

Tuir 3ª alterasaun ba Estatutu Kombatentes Libertasaun Nasional, Lei nº 3/2024 husi loran 12 fulan Junhu, ne'ebe altera Lei nº 3/2006 husi loran 12 fulan Abril, Feen ka Laen ka Oan sira deit mak iha direitu atu simu pensaun sobrevivência.

Inan, Aman, Maun, Alin no Bin la iha ona direitu atu simu pensaun sobrevivência husi mártir ka KLN ne'ebe mate, hahu iha loran 1 fulan Janeiru tinan 2025 (loron tama iha vigor 3ª alterasaun ba Estatutu KLN).

Ba família husi KLN ne'ebé mate tiha ona:

Karik família husi KLN ne'ebé mate ona, tenke fo hatene DNPS katak kombatente ne'e mate ona, liu husi KLN nia Sertidaun Óbitu.

Atu husu Pensaun Sobrevivênsia tenke hatama dokumentu sira hotu ne'ebé hakerek iha leten (tuir relasaun família ne'ebé iha) hamutuk ho Sertidaun Óbitu husi Kombatente Libertasaun Nasional ne'e mate depois funu remata.

Prosesu Rekerimentu nian tenke hatama iha CMCLN - Conselho Municipal Combatentes Libertação Nacional munisipiu ida-idak.

Bainhira hatama dokumentu hotu, tenke hatudu Kartaun Eleitorál orijinál husi rekerente ba funsiunariu DNPS ka membru husi CMCLN nian.

Bainhira rekerente hatama dokumentu hotu, nia iha direitu atu simu resibu komprovativu husi funsiunariu ne'ebe simu rekerimentu atu prova katak rekerente hatama duni dokumentu sira ba ema lolós.